



## 二十年來中國之革命戰爭

張梓生

中華民國至今日居然有二十年之短歷史可述矣。此二十年之短歷史，其首頁所應述者爲辛亥武漢起義建立中華民國之偉大事業，而其餘各章，則不得不以二十年來國家所遭之艱難，人民所受之痛苦，占其

大部分；故讀中華民國二十年之歷史者，唏噓歎息之時多而興奮忭悅之時少。此中華民國二十年史中使人讀之唏噓歎息者，以二十年來繼續不斷之國內戰爭爲其重要之成分。進一步講，二十年來國內之政局，人民之生活，幾全以此繼續不斷之國內戰爭爲其中心。故一部中華民國二十年史，不啻爲二十年來國內戰爭之紀錄也。

此二十年來繼續不斷之國內戰爭，試就其性質而分析之：第一種爲代表革命勢力者與代表舊勢力者之戰；第二種爲革命勢力及舊勢力內部分化之戰；第三種爲機會主義者乘時攘奪權利之戰。二十年來之數十次國內戰爭，有爲純粹之某一種性質者；有同一戰爭而含有二種或三種性質者。大抵新興革命勢力之起而與舊勢力鬪，多由於人民之

企望，故能一呼百應，得相當之成功；各方內部分化之戰，多爲人民所欲避免而不得者，故於其起也，必有和平之呼籲，弭兵之運動以阻遏之。至純粹第三種性質之戰爭，則人民成俎上之肉，釜中之魚矣！

歐洲大戰之結果，造成全世界人民之厭戰心理，吾中國人民以飽受戰爭之痛苦，厭惡內戰之心，自必較甚；然北伐軍興，人民之歡迎贊助，異於建國，護國之時，國人對於內戰之性質，認識固甚清晰，意志之表示亦甚明顯也。今當武漢起義二十週之紀念，略述二十年來之吾國革命戰爭以成斯篇。蓋此國慶之日，此中華民國之國家，本由革命犧牲之原料製成之，二十年來亦幾經灑志士之熱血，以爲灌溉，漸滋漸長，始有今日，則吾人既將第二十度之國慶爲特別之紀念，此二十年來之革命戰爭，亦大有追念之價值矣。

### 一 建國戰爭

86966

戰爭之時期 起於民國紀元前八十三日，止於民國元年二月十二日。中華民國建國前之形勢 孫中山先生於甲午（一八九四）中日戰爭時開始為革命運動，中經十次失敗，至辛亥（一九一一）以黃花崗之役震動全國人心，得革命宣傳之大成功。時滿清親貴用事，政治腐敗，更以鐵路國有政策激起川路風潮，武漢革命黨人乃有起事之機會。

武漢之起義與各省之響應 辛亥舊曆八月十九日（即陽曆十月十日）武漢革命同志被迫倉猝起義，逐走滿清將吏，占據武漢三鎮，成立中華民國軍政府鄂軍都督府，擁黎元洪為都督。半月內湖南陝西江西首起響應，山西雲南安徽江蘇貴州浙江廣西福建廣東等省繼之，至九月十九日樹幟革命者已有十三省之多，更加最後獨立之四川，奉旨獨立之山西，形勢不穩之奉天（以聯合保安會為變相之獨立），直隸（張紹曾在灤州，吳祿貞在石家莊有響應革命之表示），河南（諮議局會議獨立辦法），革命軍之在當時，可謂三分天下有其二矣。

革命軍與清軍之戰鬪 革命軍於八月十九日起義，清廷於二十一日即令蔭昌率軍兩鎮會同海軍及長江水師攻武漢，二十四日清軍抵漢口江岸，與革命軍開始戰鬪，至十月十三日鄂湘革命軍與清軍作戰，經時將及兩月，賴此兩月之力戰，清廷乃不得不退讓。此外，蘇浙滬皖革命軍及粵桂援軍之逐清將張勳出南京，亦有將及一月之戰事。

山西軍為清將曹錕所敗，退出太原，則為革命勢力在北方之一大頓挫。

和局成後之全國形勢 清廷於八月二十三日起用袁世凱，袁一面以馮國璋段祺瑞率軍與武漢革命軍戰，一面使人與革命軍商媾和。以漢口上海各國領事之居間，北方代表唐紹儀，革命軍代表伍廷芳等卒於十月二十八日開和平會議於上海英租界之市政廳，中間雖經挫折，然兩月以後，清帝退位，和局告成，就職未滿兩月之中華民國臨時大總統孫中山先生亦解職，武漢起義之革命工作告終結矣。和局成後，袁世凱之勢力不特占據北方各省，其軍隊在京漢路者足以控制湖北，在津浦路者足以控制安徽江蘇，南方之革命勢力，反在其監視之下矣。

## 二 二次革命戰爭

戰爭之時期 起於民國二年七月十二日，止於九月十二日。

迫成二次革命之形勢 袁世凱繼孫中山先生任中華民國臨時大總統後，其個人專斷之政府勢力，即與國民黨之議院勢力發生衝突。國民黨領袖孫中山黃克強兩先生曾於元年八月先後到北京，緩和此種衝突之進展，但卒無效。二年三月宋案發，袁氏對國民黨之毒謀，尤為國民黨全體所憤激。四月間袁氏藉善後之名，借外款二千五百萬鎊，謀為對國民黨各省用兵之戰費，國民黨人亦以全力為反對之運

助。是時國民黨處於非常危急之地位。形勢如此二次革命之戰爭，乃不能免。

二次革命之失敗 袁世凱於民國二年六月先後下令將江西都督李烈鈞，廣東都督胡漢民，安徽都督柏文蔚免職，命令之後，盾以武力，有非創盡國民黨在各省之勢力不休之形勢，於是七月十二日李烈鈞在湖口起兵討袁，黃興首先入南京響應，安徽湖南廣東福建及四川之重慶繼之。時袁在各地兵力之分配及收買哄誘之布置，已完全成功，故國民黨在江西南京兩地之戰既敗，各方之獨立者亦次第被逐。上海方面則雖經戰事，獨立之舉，終未能成。

二次革命後之形勢 二次革命失敗後，國民黨在各省之武力，盡為袁軍所消滅。袁氏以馮國璋駐南京，段祺瑞駐湖北，龍濟光駐廣東，監視各省。國民黨既失其武力，其在議會及輿論之勢力，亦受壓迫。辛亥革命所成之事業，至此僅存中華民國之四字矣。

### 三 護國戰爭

戰爭之時期 起於民國四年十二月二十三日，終於五年六月十六日。雲南起義前之形勢 自二次革命失敗至護國軍揭幟之兩年四個月間，袁世凱竭其能力為帝制之準備。各省軍人除其嫡系外，其足為帝制之梗者如鄂之黎元洪，滇之蔡錕，川之尹昌衡等則誘至北京而幽禁或監視之，其可利用者則許以金錢地位而收買之。政治上則解散

國民黨，消滅國會，並設御用之政治會議，參政院，國民會議，制新約法，治安警察條例，行總統制。更不恤犧牲國家主權，舉實國借款辦實國外交。準備既成熟，乃令楊度劉師培等以籌安會鼓吹帝制，以參政院代行立法院上書勸進擁戴。洪憲之帝號已定，改元之密令已發，中華民國之國運，不絕如縷矣。

護國軍之崛起與各省之響應 蔡錕李烈鈞戴戡等於十二月中旬先後到雲南。軍事準備既成，於二十三日以雲南軍政長官唐繼堯任可澄之名電迫袁世凱取消帝制，懲辦禍首，限其三日答覆，及二十五日袁無明確答覆，乃通告中外，宣布獨立，蔡率護國第一軍攻四川，李率第二軍趨廣西攻廣東，戴率第一軍之右翼趨貴州，分攻四川湖南。蔡所率軍隊之一部於五年一月中旬抵四川敘州，與袁預派鎮川之陳宦部開戰。一月底，蔡親率之一部與川軍劉存厚師合攻瀘州。時貴州已於十二月二十七日起而響應，戴戡率滇黔聯軍分趨川之綦江及湘邊。護國軍與在川袁軍苦戰經月，而袁所派曹錕張敬堯軍急趨到川，戰事形勢益形險惡。幸廣西陸榮廷於三月十五日繼起擁戴共和，迫袁撤銷承認帝位案，兩方始於三月下旬約定停戰。在廣西未加入護國軍前，戴戡所屬之劉顯世軍攻湘西，袁世凱所派之龍覲光軍攻滇邊，亦有戰事發生，至此，同時停戰。其後，廣東浙江陝西四川湖南於四、五兩月中先後響應，山東江蘇湖北安徽福建江西奉天亦有黨人起事。馮國璋且發起召集南京會議居中取利，袁世凱羞憤成疾，於六

86968

月六日去世。護國軍之護國，乃告成功。

護國軍成功後之形勢 袁世凱死，黎元洪繼任總統，於六月十六日申令撤軍罷戰。並宣布恢復約法，召集國會，釋放政治犯，懲辦帝制禍首。於是護國軍於七月十四宣告撤銷軍務院，又成南北一家之氣象。惟袁世凱雖死，其遺留之反民主勢力仍完全保存，段祺瑞以國務總理居北京，曹錕張勳等分踞各省，護國軍所銷滅者，僅袁氏之帝制而已。中國軍事上之新紀錄 袁軍在四川曾用飛機助戰，開中國用飛機作戰之先河。

#### 四 定國戰爭

戰爭之時期 起於民國六年七月一日，終於七月十四日。

復辟運動之環境 清帝退位後，滿人升允在甘肅謀復辟，清宗室善耆等有宗社黨之組織，惟均無充足之實力。張勳與袁世凱互相利用，藉袁之金錢及蘇皖北部之地盤，擴充軍隊，康有為及清舊臣多人附之，並與各舊派軍人有相當之聯絡，實為復辟派之中堅勢力。民國六年三月，北京政局因對德宣戰案發生糾紛，黎元洪與段祺瑞之府院爭執，國民黨員與段派之國會內閣爭執，均有無法調和之趨勢。及段祺瑞以軍警游民合組之公民團脅國會通過宣戰案，國民黨員之閥員四人憤而辭職，內閣殘闕，為國會所制，段乃由利用京內之武力，進而利用京外之武力，於是有督軍團之變。五月十九日舊武人之任督軍

者曹錕張勳張作霖張懷芝楊善德等十七人，附以省長倪嗣冲齊耀珊，師長張敬堯范國璋等多人，以徐州會議之結果，電脅黎總統改制憲法，及黎遵國會意旨下令免段，各省督軍乃脫離中央，受段在天津所組之「各省軍務總參謀處」之統轄，圖另立政府國會，張勳於其間周旋黎段間，得以率師入衛之名義，將所部軍隊開入北京，既誘黎下令解散國會，進一步即於七月一日演復辟之活劇。

繫鈴解鈴之定國戰爭 復辟局面之在當時，於北方各省似有一種默契，惟南方湘滇黔粵桂蜀浙於三日有護國之通電，與段接近之政客亦勸段辨明利害，段乃以曹錕馮玉祥李長泰各師旅自天津攻北京，經七日之戰爭，始解散張勳軍隊，至十二日，段祺瑞乃復入北京，為中華民國之國務總理。

定國戰爭之解釋 段祺瑞之銷滅張勳之勢力，原為北方軍人分化戰爭之變相，——亦即其開端，於實際上無何等重大之意義可言；惟自此以後，中華民國史上，帝制與復辟之新紀載，已不復見，新瓶舊酒之中華民國之局面，自此定矣。

政治軍事上之新紀錄 張勳復辟時，大總統黎元洪避入使館區，張勳敗後，亦藏身荷蘭使館，實開以使館區作中國政治犯遁逃藪之端。段祺瑞與張勳在督軍團脅黎時實為同志，以政治上利害關係之改變，卒立於兩反對方面而開戰，亦此後各方內部分化戰爭之先導也。

#### 五 護法戰爭



戰爭之時期 起於民國六年九月十八日，以九年三月十八日吳佩孚湖南班師而告一段落，直至十五年七月九日國民革命軍出師北伐始成完全的另一次之革命戰爭。

護法戰爭之意義 南方各省之護法，揭發擁護民元約法及維持國會兩點，其開始在張勳復辟前段祺瑞壓迫國會之時。其目的在以約法納政治於正軌，以國會制政府之專橫。初時僅由孫中山先生及岑春煊唐紹儀唐繼堯等以文電向北京當局表示，未嘗有軍事之行動。復辟變起，湖南廣東廣西等省準備出師北伐，段祺瑞阻之，始成武力對抗之形勢。

護法政府之成立 復辟事平，黎元洪被脅辭大總統職，馮國璋繼代，段祺瑞復任國務總理。馮段恃其北洋勢力，置南方意見於不顧，於是兩廣獨立，孫中山先生率海軍赴廣州，招國會議員前往，請黎元洪南下組織政府。及八月二十五日國會在廣州開非常會議，黎元洪未往，乃組織軍政府，選舉孫中山先生任大元帥，陸榮廷唐繼堯任元帥，成立護法政府。

護法戰爭之主要戰爭 段祺瑞於南方組織護法政府時，即令其親信傅良佐爲湖南督軍，派重兵駐岳州，以防護法軍北上；令吳光新入川，以迫滇黔。九月十八日湖南軍劉建藩部在衡州獨立，與北軍開戰，廣西出兵援劉，乃復長沙，同時四川軍熊克武師亦逐出吳光新。中間因北方馮段間之政爭，馮派主和平，曹錕王占元李純陳光遠四督軍亦

通電主和，戰爭得暫停。至七年二月段以賣國借款擴大其實力，復起用事，派曹錕張敬堯張懷芝攻湘，以吳佩孚之奮勇，北軍於四月間直至衡山。時孫中山先生在廣東爲陸榮廷之桂系所迫，令陳炯明率粵軍赴福建另謀出路，並於五月四日辭大元帥職，讓軍政府改組。而北方直皖之暗爭，和戰之主張，亦更紛呶。湖南軍乃與吳佩孚暗中妥協，湖南戰事遂停頓。民國八年南北代表會在上海開和平會議，以法統問題未決，不能成功。至民國九年北方政爭醞釀成熟，吳佩孚於三月十八日自動退出湖南，此方面之戰爭乃告一段落。在湖南戰爭期內，浙江湖北有自主之運動，均受壓迫而失敗。陝西有靖國軍之起事，福建有陳炯明取漳州之戰。

護法戰爭成一段落後之南北形勢 護法戰爭成一段落後，不特南北對峙之局面繼續維持，且更進一步，南北兩方之內部竟至自相攻伐。九年七月，北方有直皖之戰，吳佩孚大顯身手，段祺瑞失敗下野。同時南方桂系有解散軍政府之陰謀，陳炯明亦自福建回軍逐桂軍回桂。而護法六省中之川滇黔三省，亦於此時有互攻之事。孫中山先生雖於十年五月五日任非常大總統，一時亦無術以圖西南之統一。十一年春北方直奉戰後，直奉皖三系各據地稱雄，而南方自陳炯明軍叛孫後，孫陳兩軍，亦一分而不可再合。其時南北各有唱武力統一者，實則不特無統一全國之可能，即南北內部之統一亦無法辦到，此聯省自治之說之所由起也。

86970

護法戰爭中國家之損失 護法戰爭期間，中國國家所受之損失，最大者爲一段祺瑞之濫借外債，其數目爲若干萬萬，至今尙無人能確斷，其用途則購械打仗之外，畜養無恥政客而已；二，政治道德之敗壞，安福系之橫行，新國會之穢聲，其政治上之罪惡，較袁世凱時直有過而無不及。

## 六 國民革命軍完成北伐之戰爭

戰爭之時期 起於民國十五年三月二十五日，終於十七年九月二十三日。

北伐前之形勢 北方軍閥之內鬪，至民國十三年，江浙開釁，奉直再戰，馮玉祥返戈倒吳佩孚而愈趨於複雜。再經變化，及北伐將出師時，張作霖吳佩孚孫傳芳張宗昌四大勢力與聯南之馮玉祥之國民軍互相角逐，長江流域，黃河流域之十餘省地方，盡被蹂躪不堪矣。

南方情形，則自孫中山先生於十二年再回廣州，十三年改組國民黨，已另成一新興之局面。十四年三月十二日孫先生在北京去世，而同志秉先生遺志，努力革命，於七月一日成立國民政府，以次銷滅陳炯明勢力，肅清反側軍隊，收拾廣西，至十五年已養成可以有爲之實力。北伐戰爭之發動 國民政府既統一兩廣，有進而統一全國之計劃。時馮玉祥爲張作霖吳佩孚所困，急電請援，而湖南趙恆惕部師長唐生智逐趙，與趙之親信軍隊葉開鑫師衝突，吳佩孚派軍援趙，唐亦求助

於國民政府，國民政府乃任蔣中正爲國民革命軍總司令，出師北伐。從北伐出師至全國統一 蔣中正總司令於十五年七月九日在廣州誓師北伐，以八軍約十萬人分路出發，一面監視江西孫傳芳部之活動，一面與吳佩孚部戰於湖南。經三個月之奮鬪，卒將吳佩孚所能指揮之軍隊十五萬擊潰，占領武漢，開南方歷次北伐之新紀錄，完成第一期之工作。十月間又與孫傳芳部戰於江西，福建，孫部六個方面軍約十萬人，號稱精勁能戰，附以海軍，勢不可侮，然至年終，革命軍卒能取得江西福建。十六年初，張宗昌之直魯軍南下援孫，敵兵益衆，而革命軍亦能吸收敵方軍隊，擴充至三十餘軍，兩軍再戰，革命軍以民衆之助，迭獲勝利，至三月終下南京，完全取得長江流域各省，第二期之北伐之工作得告成功。中經寧漢之爭，革命軍內部分裂，然馮玉祥之國民軍聯軍趨陝西出河南，閻錫山亦組北方革命軍於山西，南京漢口兩軍分路北向，蓋其時各軍閥合組安國軍，聯成整個的勢力以應付，革命軍亦全體出動相以對抗。第三期之戰，革命軍雖受內部政爭之影響，終能占徐州鄭州兩要地，立直搗幽燕之基礎。至十七年一月，革命軍內部問題已有解決，乃以四個集團軍作第四期北伐之戰爭，猛戰五閱月，卒迫奉軍退出北京，於六月初旬將天津北京接收。張作霖既死，張學良電請加入革命，其餘張宗昌孫傳芳殘軍於九月間亦分別或受招撫，或經解決。中華民國乃統一於革命之政府。革命軍自廣州出發以至肅清滬東，歷時凡兩年六個月，由珠江流域而長江流

域而黃河流域，其規模之宏大，中華民國二十年來所未有也。

北伐戰爭中之外力壓迫，國民革命軍北伐時之所揭櫫，爲打倒帝國主義及其工具之軍閥，既與軍閥作戰，帝國主義者之恐懼，爲當然之事。故第二期作戰中，有列強出兵上海之事，第四期作戰中，日本出兵山東演成濟南慘案，然此俱不能妨礙北伐之完成。

二十年來國內大規模之革命戰爭，如上所述，已歷六次，其餘一省一地俟起倏滅之革命戰，當數倍於此，中間所犧牲之有用人材，所擲之志

士頭顱，不知凡幾，此讀中華民國二十年史者於奮興之餘所不免於

嘆息者也。二十年來孫中山先生之勢力及其遺留之精神，與袁世凱及其模仿者，就中華民國之國土，奮鬥不息，今日幸有之局面，前者勝利而後者失敗之結果也，然後者之勢力至今日已否剷除淨盡，革命之戰爭已否得最後之成功，此實一重大之疑問。吾人當此民國創立二十年紀念之日，於敘述革命戰爭之後，不得不表示最小限度之願望：願袁世凱所遺留之一切，今後不再發展，願今後之政爭，不更以戰爭決勝負！

## 意大利音樂家之不屈服於強權

意大利享有國際榮譽的音樂家托斯抗寧義 (Arturo Toscanini) 領了他的音樂隊的人員在波羅格那

(Bologna) 表演的時候，因爲他不願意唱讚頌法西斯蒂的歌，曾三次拒絕波羅格那市長的要求，因此遂引起法西斯蒂的仇恨，當他的樂隊登臺後，突有暴徒若干人，在臺口把托斯抗寧義毆打了一頓，打得他口中流出鮮血。波羅格那市長事前既不事防範，事後又沒有捉住一個暴徒，難免暗中指示的嫌疑。現在托斯抗寧義已到了瑞士。他雖受了法西斯蒂的壓迫，可是他的愛護自由正義的精神仍毫不因受挫折而畏縮。他事後對人說：「我們爲正義與言論自由，不惜任何代價，就是犧牲我們的生命也不惜。我依然要向法西斯蒂說：『你們如果要殺我，你們殺我好了，但是我生存一天，我將講我心裏所要講的話。』」

他這話是多麼勇敢。宜乎世界擁護自由正義的人，要對他的這種行爲，十分同情了。